

吳鞠通醫案

清·吳瑭 著



人民衛生出版社

內 容 提 要

本書是清代溫病學家吳塘(鞠通)的醫案,共四卷。第一卷為溫病、傷寒;第二卷及第三卷為雜病;第四卷為婦科、兒科。

吳氏治療溫病,繼承並發揚了葉天士的優良傳統,所著溫病條辨,已經成為研究溫病的必要參考書。本書第一卷的溫病醫案,可以與溫病條辨相印証,對於學習溫病的理論聯繫實際極有幫助。吳氏治療傷寒、雜病及婦兒科病,運用了張仲景以後至清初各家的研究成果,可以與他的溫病條辨中的解產難、解兒難相參閱,其中更有不少心得,可作為臨床醫生的參考。

此書在清末尚僅有鈔本相傳,于公元 1916 年始由裘吉生、金月笙二氏分別予以刊行。今以裘氏刊本為主,參考金氏刊本,作了一些校正後排印發行。

吳 鞠 通 醫 案

開本: 850×1168/32

印張: 7 $\frac{1}{2}$

字數: 207 千字

清·吳 塘 著

人 民 衛 生 出 版 社 出 版

(北京書刊出版業營業許可證出字第〇四六號)

·北京崇文區錢子胡同三十六號·

北 京 市 印 刷 一 廠 印 刷

新華書店科技發行所發行·各地新華書店經售

統一書號: 14048·2169

定價: 0.85 元

1960 年 2 月第 1 版—第 1 次印刷

(北京版) 印數: 1—6,100

序

医之有案，犹国之有史也。治国者鑑于古代治乱兴衰之故，而后知所以为政理民之道；为医者察于昔人起痾拯危之神，而后知所以治病用藥之方。盖皆积所經驗以傳諸后世，而資其師法者也，其為書顧不重哉！淮陰吳鞠通先生医声震海內，盖不特叶氏之高弟，抑亦仲聖之功臣也。生平著述有“溫病条辨”“医医病書”及“吳氏医案”諸書，而医案尤先生畢生精力之所萃。今条辨既傳布全国，为世宝貴，而“医医病書”亦已由本社刊于去冬，独医案一書，向鮮傳本，偶有鈔录，藏者亦秘不示人，遂使先生数十年經驗之良模，不获見知于世，宁不惜哉！三十年前，余曾向下灶胡氏处假录一通，常置案头，用資師法，友人見者，均嘆为良書，轉相傳鈔，几于日不暇給。同社友吉生裘君有刊行医藥叢書之举，欲將此籍收入之以广其傳，因詳加校讎而付之。夫傳播古籍以嘉惠后学，吾人之責也；若謂表章先賢，則吾豈敢！至案中有用量过重处，余謂刊时可刪去，此余期期以为不可。盖刊行古書，須存古書真面；俾后学得窺遺澤，凡書內之或是或非，应在讀者各自加其主見，倘妄行編次，隨意割截，不若自行著作，何必借古人之名，而灭古人之实，逞一己之私，而貽后人之憾耶！

丙辰二月后学高德僧汝賢謹序

目 录

卷一

暑温	1
伏暑	9
溼温	23
中燥	27
瘧	36
冬温	39
伤寒	40

卷二

中風	51
癰疽	52
肝風	52
肝厥	54
脇痛	56
肝癰	61
癰狂	64
虛勞	69
吐血	72
衄血	79
便血	80
腫脹	82
單腹脹	87
腹脹	88
滯下	88
积聚	97
淋濁	99
泄瀉	103

卷三

頭痛	105
----	-----

胃痛	110
脾胃	111
噎食	114
嘔吐	117
反胃	118
嘔	118
咳嗽	119
肺癰	119
失音	120
水氣	121
寒溼	125
瘰	126
痰飲	138

卷四

疝瘕	166
胎前	170
產后	173
陰吹	182
交腸	183
調經	183
帶下	186
臃爛	187
瘰癧	187
瘰	229
癰疽	231
食積	233
飧泄	234
咳嗽	236
暑温	236
伏暑	287

7155111
卷 一

暑 溫

壬戌六月廿九日 廿 二十四岁 暑溫邪傳心包，譫語神昏，右脈洪大數實而模糊，勢甚危險。

連翹六錢 生石膏一兩 麥冬六錢 銀花八錢 細生地六錢 知母五錢 元參六錢 生甘草三錢 竹葉三錢 煮成王碗，分三次服。牛黃丸二丸、紫雪丹三錢，另服。

七月初一日 溫邪入心包絡，神昏癰厥，極重之症。

連翹三錢 生石膏六錢 麥冬(連心)五錢 銀花五錢 細生地五錢 知母二錢 丹皮三錢 生甘草一錢五分 竹葉二錢 今晚二帖，明早一帖。再服紫雪丹四錢。

壬戌七月十四日 周 五十二岁 世人悉以羌防柴葛治四時雜感，竟謂天地有冬而無夏，不亦冤哉！以致暑邪不解，深入血分，成厥，衄血不止，夜間煩躁，勢已膠錮難解，焉得速功。

飛滑石三錢 犀角三錢 冬桑葉三錢 羚羊角三錢 元參五錢 鮮蘆根一兩 細生地五錢 丹皮五錢 鮮荷葉邊一張 杏仁泥三錢 今晚一帖，明早一帖。

十五日 厥與熱似乎稍緩，據云夜間煩躁亦減，是其佳處，但脈弦細沉數，非癰厥所宜，急育陰而歛陽，復咸以制厥法。

生地六錢 生鱉甲六錢 犀角三錢 元參六錢 羚羊角三錢 丹皮三錢 麥冬(連心)八錢 生白芍四錢 桑葉三錢 日服二帖。

十六日 脈之弦剛者大覺和緩，沉者已起，是為起僂，但熱病本屬仿陰，況醫者誤以仿寒溫燥藥五、六帖之多，無怪乎舌苔燥如草也。議啓腎液法。

元參一兩 天冬三錢 丹皮五錢 沙參三錢 麥冬五錢 銀花三錢 犀角三錢 鱉甲八錢 桑葉二錢 日服三帖。

十七日 即于前方內加細生地六錢 連翹一錢五分 鮮荷葉邊三錢 再按：暑熱之邪，深入下焦血分。身半以下，地氣主之。熱來

甚于上焦，豈非熱邪深入之明征乎？必借芳香以爲搜邪之用。不然，恐日久膠錮之邪，一時難解也。一日熱邪不解，則真陰正氣日亏一日矣，此紫雪丹之必不可少也。紫雪丹一錢五分，分三次服。

十八日 脈已回，面赤，舌苔干黑芒刺，脈沉數有力，十余日不大便，皆下症也。人虽虛，然亦可以調胃承氣湯小和之。

大黃(生)五錢 元明粉(冲)三錢 甘草(生)三錢 先用一半煎一茶盃，緩緩服，俟夜間不便再服下半劑。服前方半劑，即解黑大便許多。

便后用此方：

麥冬一兩 大生地一兩 鱉甲一兩 白芍六錢

十九日 大下宿糞若許，舌苔化而未滋潤，脈仍洪數，微有潮熱，除存陰無二法。

沙參三錢 大生地一兩 鱉甲五錢 麥冬六錢 生白芍六錢 牡蠣五錢 天冬三錢 炙甘草三錢 丹皮四錢 日服二帖。

廿一日 小便短而赤甚，微咳，面微赤，尺脈仍有動數之象，議甘潤益下，以治虛熱，少復苦味，以治不尽之實邪。且甘苦合，化陰氣而利小便也。按甘苦合化陰氣利小便法，舉世不知，在溫熱門中誠爲利小便之上上妙法。蓋熱傷陰液，小便無由而生，故以甘潤益水之源，小腸火腑，非苦不通，爲邪熱所阻，故以苦葯瀉小腸而退邪熱。甘得苦則不呆滯，苦得甘則不剛燥，合而成功也。

生鱉甲八錢 元參五錢 麥冬(連心)六錢 生白芍六錢 沙參三錢 麻仁三錢 古勇連一錢 阿膠三錢 丹皮三錢 炙甘草四錢 日二帖。

廿二日 已得效，仍服前方二帖。

廿三日 復脈複苦法，清下焦血分之陰熱。

元參五錢 鱉甲(生)五錢 阿膠(化冲)三錢 白芍(生)六錢 天冬二錢 丹皮三錢 麻仁五錢 麥冬(連心)五錢 甘草(炙)五錢 日服二帖。

癸亥六月初五日 王 二十三歲 暑溫舌苔滿佈，色微黃，脈洪弦而剛甚，左大右小，不渴，初起即現此等脈症，恐下焦精血之熱，遠甚于上焦氣分之熱也。且旧有血滯，故手心熱又甚于手背。究竟初起，且瀉上焦，然不可不心知其所以然。

連翹二錢 細生地一錢五分 粉丹皮二錢 銀花二錢 苦桔梗一錢
白茅根二錢 麥冬二錢 牛蒡子一錢五分 香豆豉一錢五分 元參一錢
五分 藿香梗一錢 生甘草一錢 薄荷三分 日三帖。

初六日 熱退大半，胸痞，腹中自覺不和。按暑必夾溼，熱退
溼存之故，先清氣分。

藿香梗三錢 飛滑石一錢五分 白扁豆二錢 杏仁泥二錢 連翹
二錢 廣郁金二錢 生苡仁三錢 銀花一錢五分 白通草八分 香豆豉
二錢 白二帖。

初七日 病後六腑不和。

藿香梗三錢 飛滑石三錢 香豆豉二錢 生苡仁三錢 半夏二錢
廣皮炭一錢 廣郁金一錢 厚朴二錢 日服一帖。

初十日 向有失血，又屆暑病之後，五心發熱，法當補陰以配
陽，但脈雙弦而細，不惟陰不充足，即真陽亦未見其旺也。議二甲
復脈湯，仍用舊有之桂枝、姜、棗。

白芍(炒)四錢 大生地四錢 沙參三錢 桂枝二錢 生鱉甲五錢
麥冬四錢 麻仁二錢 生牡蠣五錢 生姜二片 阿膠(化沖)二錢 炙甘
草五錢 大棗(去核)二枚 煮三杯，分三次服。

又丸方，八仙丸加麻仁、白芍。

麥冬(連心)六兩 直熟地八兩 山藥三兩 茯苓四兩 五味子三兩
麻仁三兩 澤瀉三兩 山萸肉(酒炒)三兩 白芍(酒炒)六兩 丹皮四兩
蜜丸如梧子大，每服三錢，日三服。

癸亥六月初八日 馬 三十八歲 暑熱本易傷陰，誤用消導
攻伐，重傷陰氣，致令頭中耳中鳴無止時，此系肝風內動，若不急救
肝腎之陰，癰瘕熱厥立至矣。

大生地六錢 麥冬五錢 生牡蠣五錢 炒白芍六錢 丹皮三錢
菊花炭二錢 生鱉甲五錢 桑葉一錢五分 炙甘草三錢(大便太稀去此)
火麻仁二錢 煮三杯，分三次服。

十二日 外邪雖退，無奈平素勞傷太過，虛不肯復，六脈無神，
非參不可。

沙參三錢 大生地六錢 阿膠三錢 元參六錢 生鱉甲六錢 丹
皮三錢 麥冬六錢 火麻仁三錢 甘草(炙)四錢 白芍(生)六錢 煮三

杯，分三次服。

得大便后，去元參，加牡蠣六錢 人參三錢 桂枝一錢 大棗（去核）二枚 生姜一片

七月初六日 病后飲食不調，又兼暑溼着里，腹中絞痛，痛極便澹，脈微數，欲作滯下，議苓芍法，奪其滯下之源。

焦白芍一錢五分 厚朴二錢 广木香一錢 黃芩炭一錢二分 枳實一錢 小茴炭八分 南查炭一錢五分 广皮（炒）一錢五分 云連炭八分 神精炭二錢 一、二帖后腹痛除，仍服復脈湯。

乙丑六月十一日 榮女 十五岁 暑溫夾痰飲怒郁，故脈扞身熱而脇痛，誤用足六經表藥，煩躁不甯，六日不解，至危之症。

生石膏四錢 杏仁三錢 生香附三錢 旋復花（包）三錢 連翹三錢 藿香梗三錢 广郁金二錢 薄荷一錢 煮兩盃，分二次服。三時一帖。服二日大見效再商。

十三日 于前方內加青橘皮二錢 鮮蘆根五錢 鮮荷葉邊一枚

乙丑六月十三日 富氏 廿二岁 暑傷足太陽，發為臃脹，渴不欲飲，飲則嘔，身微熱，舌白滑，肢逆，二便閉塞，病在中焦居多，以香開腑濁為主。

杏仁泥三錢 半夏五錢 小枳實三錢 旋復花（包）三錢 厚朴四錢 广郁金二錢 生苡仁三錢 香附三錢 白蔻仁二錢 藿香梗三錢 广皮二錢 煮兩盃，分二次服。今日一帖，明日服二帖。

乙丑閏六月初六日 孫 四十五岁 頭痛，左关独高，責之少陽內風掀動，最有損一目之弊。若以為外感風寒，則遠甚矣。議清少陽膽絡法。再此症除左关独高，余脈皆緩，所謂通体皆寒，一隅偏熱，故先清一隅之熱。金匱謂先治新病，旧病当后治也。

羚羊角二錢 丹皮一錢五分 茶菊花一錢五分 苦桔梗二錢 生甘草一錢 薄荷六分 刺蒺藜一錢 桑葉一錢五分 鮮荷葉（去蒂）半張 鈎藤鈎一錢 煮兩盃服。今日一帖，明日兩帖。

初八日 前日左关独浮而弦，系少陽頭痛，因暑而發，用清膽絡法，茲关左已平其半，但緩甚，舌苔白厚而滑，胸中痞悶。暑中之熱已解，而溼尚存也。議先宣上焦氣分之溼。

生苡仁五錢 飛滑石六錢 藿香梗三錢 杏仁泥五錢 半夏五錢

广郁金三錢 旋复花(包)三錢 广皮三錢 白通草一錢 茯苓皮三錢
白薏仁(連皮)二錢 煮兩盃,今日服;渣再煮一盃,明早服。

初九日 諸症俱減,舌白未除,中溼尙多,議進法于前方內,加
生蒼朮三錢 草果(炒)一錢。

乙丑閏六月初三日 王 廿八岁 暑伤兩太陰,手太陰之症
为多,一以化肺氣为主。

飞滑石八錢 連翹三錢 白通草一錢。杏仁泥五錢 金銀花三錢
白扁豆花一枝 生苡仁五錢 厚朴三錢 鮮荷叶(去蒂)一張 藿香叶一
錢 白薏仁(連皮)二錢 煮兩盃,分兩次服。今晚明早各一帖。

初四日 兩太陰之暑症,昨用冷香合辛涼,暑中之熱已退其
半,但里溼与熱未克即除,故大便紅水,胸中痞悶。

飞滑石六錢 猪苓五錢 藿香梗三錢 杏仁泥三錢 澤瀉五錢
广郁金二錢 茯苓皮三錢 生苡仁五錢 白通草二錢 白薏仁一錢五分
厚朴三錢 煮三盃服。今晚明日各一帖。

初五日 舌苔白厚,腹甚不和,腸鳴泄瀉,聚溼尙多,急宜分
泄,以免延拖。

飞滑石六錢 半夏五錢 藿香梗三錢 茯苓皮六錢 澤瀉五錢
南蒼朮三錢 生苡仁六錢 椒目五錢 白薏仁三錢 老厚朴三錢 广
皮三錢 水八碗,煮取三碗,分三次服,渣再煮一碗服。

乙丑十月廿二日 广 廿四岁 六脈洪大之極,左手更甚,目邪
視,怒氣可畏,兩臂兩手卷曲而癱瘓,舌邪向不語三四日,面赤身
熱,舌苔中黃边白,暑入心包膽絡,以清心膽之邪为要,先与紫雪
丹。

連翹(連心)五錢 羚羊角三錢 竹茹三錢 金銀花五錢 暹罗犀
角五錢 丹皮三錢 麦冬五錢 細生地五錢 桑叶三錢 天冬三錢 鮮
荷叶(去蒂)一張 煮四盃,分四次服。又碧雪丹一兩 每服三錢;涼
開水調服。以神清熱退为度,現在熱厥。

廿三日 肝熱之極,加天冬涼肝于前方內。

加天冬三錢 其碧雪丹仍照前常服。

廿四日 暑入心膽兩經,与清心絡之伏熱,已見小效,仍用前
法而進之。

烏犀角五錢 連翹(連心)四錢 粉丹皮五錢 羚羊角三錢 銀花三錢 茶菊花三錢 細生地五錢 麥冬(連心)五錢 冬桑葉三錢 煮四盃，分四次服。

廿五日 加黃芩三錢 白扁豆花一枝 山連一錢五分 鮮荷花葉一枚

廿六日 暑入心膽兩經，屢清兩經之邪，業已見效。今日飲水過多，水入微嘔。蓋暑必挾溼，議于前方內去柔葯，加淡滲。

茯苓皮五錢 銀花三錢 黃柏炭二錢 生苡仁五錢 連翹(連心)三錢 真川連一錢 羚羊角三錢 犀角二錢 冬桑葉三錢 黑山梔三錢 茵陳三錢 荷葉邊二枚 煮三盃，分三次服。

廿七日 暑熱退后，嘔水，身微黃，熱退溼存。

云苓塊(連皮)五錢 銀花三錢 白薤皮二錢 生苡仁五錢 連翹三錢 黃柏炭二錢 杏仁泥三錢 茵陳三錢 白通草一錢 黑山梔三錢 煮三盃，分三次服。

廿九日 熱未盡退，舌起新白苔，胸痞。暑兼溼熱，不能純治一边。

飛滑石六錢 銀花三錢 藿香梗三錢 云苓皮五錢 連翹(不去心)三錢 真山連一錢五分 杏仁泥五錢 白薤(打碎)一錢五分 白通草一錢 生苡仁五錢 煮三盃，分三次服。

八月初二日 暑熱已退七八，惟十余日不大便，微有譫語，脈沉。可與輕通陽明，與增液承氣法。

細生地六錢 元參八錢 麥冬(不去心)六錢 生大黃四錢 煮成三盃，先服一盃；約二時不大便，再服第二盃；明早得大便，止后服，否則服第三盃。

初三日 溫病下后，宜養陰；暑溫下后，宜兼和胃。蓋暑必夾溼，而舌苔白滑故也。脈緩，與外臺茯苓飲意。

云苓塊五錢 麥冬(不去心)五錢 廣郁金一錢 生苡仁五錢 半夏三錢 白薤皮一錢五分 藿香梗三錢 厚朴二錢 煮三盃，分三次服。

初五日 暑溫熱退溼存，故嘔，腹不和，而舌有白苔，與三仁湯宜剛法。

杏仁五錢 益智仁一錢 苡仁五錢 半夏五錢 藿香梗三錢 黃

芩三錢 厚朴二錢 白蔻仁一錢五分 生姜三片 煮三盃，分三次服。

丁卯六月十五日 王 三十八歲 暑溫誤表，汗如暴雨直流，有不可猝遏之勢，脈洪芤，氣短，與白虎人參湯。

生石膏八兩 知母二兩 粳米一合 炙甘草一兩 洋參八兩 煮四碗，一時許服一碗，以汗止為度，不止再作服。

十六日 汗勢減，照前方服半劑。

十七日 脉靜身涼汗止，與三才湯三帖，全愈。

丁丑六月十三日 吳 四十歲 先暑後風，大汗如雨，惡寒不可解，先服桂枝湯一帖，為君之桂枝用二兩，盡劑，毫無效驗；次日用桂枝八兩，服半帖而愈。（轉自自醫）

丁亥閏五月廿二日 某 暑溫誤表，致有謬語，邪侵心包，熱重面赤，脈洪數，手太陰症為多。宜辛涼芳香，以清肺熱，開心包。陽有汗，陰無汗，及頸而還，極大症也。

生石膏一兩 連翹（連心）三錢 丹皮三錢 飛滑石六錢 銀花三錢 桑葉三錢 細生地五錢 知母（炒）三錢 甘草二錢 苦桔梗三錢 煮三大盃，分三次服，外服紫雪丹五分。

廿三日 脈之洪數者少減，熱亦少退，舌心黑滑，大便頻澀。暑必夾溼，況體厚本身溼痰過重者乎？議兩清溼熱。

云苓皮五錢 連翹（連心）三錢 藿香梗三錢 生苡仁五錢 銀花四錢 六一散三錢 姜半夏三錢 黃芩一錢 白蔻仁一錢 煮三盃，分三次服。外服紫雪丹五分。

廿四日 脈洪大又減，但沉數有力，伏邪未淨，舌中黑滑，耳聾，大便仍頻澀。

云苓皮六錢 苡仁五錢 黃芩三錢 姜半夏五錢 連翹三錢 銀花三錢 雅連（姜汁炒）一錢 六一散六錢 竹葉三錢 煮三盃，分三次服。外服紫雪丹五分。

廿五日 即于前方內，連翹、銀花加至五錢，苡仁加至八錢 紫雪丹仍服五分。

廿六日 熱漸退而未盡，脈漸小而仍數，面赤減，大便頻數亦少，余邪未盡。

連翹四錢 飛滑石六錢 黃芩三錢 銀花四錢 云苓皮六錢 雅

連一錢 苡仁五錢 姜半夏五錢 甘草一錢 白蔻(連皮)一錢 煮四盃，分四次服。

廿七日 照前方仍服一帖。

廿八日 即于前方內加桑叶三錢，目白睛赤續故也。

廿九日 大熱雖退，余焰尚存，耳聾，與苦淡法。

銀花五錢 飛滑石六錢 丹皮三錢 連翹(連心)三錢 云苓皮六錢 苡仁六錢 雅連(炒)一錢 苦丁茶三錢 牡蠣五錢 龍膽草一錢五分 煮四杯，分四次服。

六月初一日 脈靜身涼，熱已退矣，舌有新白滑苔，溼猶有存者。與三仁湯宣化三焦，通調水道。

云苓塊(連皮)六錢 苡仁五錢 晚蚕砂三錢 杏仁泥三錢 澤瀉二錢 益智仁一錢五分 姜半夏三錢 白蔻仁一錢五分 黃芩炭一錢五分 藿香梗三錢 通草一錢 煮三盃，分三次服。

庚寅六月廿一日 吳 二十歲 暑兼溼熱，暑溫不比春溫之但熱無溼，可用酸甘化陰、鹹以補腎等法，且無形無質之熱邪，每借有形有質之溼邪以為依附。此症一月有余，食大劑純柔補陰退熱法，熱未減，而中宮痞塞，得食則痛脹，非抹不可，顯系暑中之溼邪蟠踞不解，再得柔膩膠固之陰藥與邪相搏，業已喘滿，勢甚重大。勉與通宣三焦法，仍以肺氣為主，蓋肺主化氣，氣化則溼熱俱化。六脈弦細而沉洪。

苡仁五錢 生石膏二兩 厚朴三錢 杏仁四錢 云苓皮五錢 青蒿二錢 連翹三錢 藿香梗三錢 白蔻仁一錢五分 銀花三錢 鮮荷葉一片 煮四盃，分四次服。兩帖。

廿三日 暑溼誤用陰柔藥，致月余熱不退，胸膈痞悶。前與通宣三焦，今日熱減，脈已減，但痞滿如故，喘仍未定，舌有白苔，猶為棘手。

生石膏一兩 厚朴三錢 藿香梗三錢 飛滑石四錢 連翹三錢 小枳實二錢 云苓皮三錢 廣皮三錢 白蔻仁二錢 生苡仁五錢 煮三盃，分三次服。二帖。

廿五日 熱退喘減，脈已稍平，惟仍痞，且泄瀉，皆陰柔之累，姑行溼止瀉。

滑石五錢 姜半夏三錢 黃芩(炒)二錢 猪苓三錢 云苓皮五錢
广郁金二錢 澤瀉三錢 藿香梗三錢 通草一錢 苡仁五錢 煮三盃，
分三次服。二帖。

廿七日 喘止，胸痞亦开，热虽減而未退，瀉未止。

生石膏一兩 澤瀉三錢 姜半夏五錢 飞滑石六錢 黃芩三錢
藿香梗三錢 云苓皮六錢 煮三盃，分三次服。二帖。

廿九日 諸症俱減，惟微热，大便澇，調理飲食为要。

云苓塊(連皮)五錢 猪苓三錢 藿香梗三錢 生苡仁五錢 澤瀉
三錢 炒黃芩三錢 姜半夏三錢 苏梗二錢 白蔻仁一錢 杏仁泥
二錢 煮三盃，分三次服。四帖。

伏 暑

壬戌八月十六日 周 十四岁 伏暑內發，新涼外加，脈右大
左弦，身热如烙，無汗，吐膠痰，舌苔滿黃，不宜再見泄瀉，不渴，腹
脹，少腹痛。是謂陰陽並病，兩太陰互爭，難治之症，議先清上焦溼
热，盖气化溼热亦化也。

飞滑石三錢 連翹二錢 象貝母一錢 杏仁泥三錢 銀花二錢
白通草一錢 老厚朴二錢 蘆根二錢 鮮梨皮二錢 生苡仁一錢五分
竹叶一錢 今晚一帖，明早一帖。

十七日 案仍前。

飞滑石三錢 連翹二錢 鮮梨皮一錢五分 杏仁泥一錢五分 冬桑
叶一錢 銀花二錢 老厚朴一錢五分 薄荷八分 扁豆皮二錢 苦桔梗
一錢五分 蘆根二錢 荷叶边一錢五分 炒知母一錢五分 午一帖，晚一
帖，明早一帖。

十八日 兩与清上焦，热已減其半，手心热甚于手背，謂之里
热，舌苔紅黃而厚，为实热。宜宣之，用苦辛寒法。再按：暑必夾
溼，腹中按之痛脹，故不得不暫用苦燥法。

杏仁泥三錢 木通二錢 真山連(姜汁炒黃)一錢五分 广木香一錢
黃芩炭一錢 厚朴一錢五分 小茴香(炒黑)一錢五分 括婁(連皮仁)八分
炒知母一錢五分 小枳实(打碎)一錢五分 檳榔八分 广皮炭一錢 煮
二盃，分二次服。

十九日 腹之痛脹俱減，舌苔干燥黃黑，肉色絳，喘咳痰粘。
幼童陰氣未堅，當與存陰退熱。

麥冬(不去心)六錢 煨石膏四錢 丹皮五錢 沙參三錢 細生地
四錢 杏仁三錢 元參五錢 炒知母二錢 蛤粉三錢 犀角二錢 生甘
草一錢 煮三盃，分三次服。

二十日 津液稍回，潮熱，因宿糞未除，夜間透汗，因邪氣還
表，右脈仍然浮大，未可下，宜保津液，護火克肺金之嗽。

細生地六錢 元參六錢 霍石斛三錢 焦白芍四錢 麥冬六錢
柏子霜三錢 煨石膏三錢 沙參三錢 牡蠣粉一錢五分 杏仁泥二錢
犀角一錢 煮三盃，陸續服。

廿一日 諸症悉解，小有潮熱，舌絳苔黑，深入血分之熱未
除也，用育陰法。

沙參三錢 大生地五錢 牡蠣三錢 麥冬(不去心)六錢 焦白芍
四錢 丹皮三錢 天冬一錢五分 柏子霜三錢 甘草(炙)二錢 頭煎二
盃，二煎一盃，分三次服。

廿二日 津液消亡，舌黑干刺，用復脈法。

大生地六錢 麥冬(不去心)六錢 柏子霜四錢 炒白芍六錢 丹皮
四錢 火麻仁三錢 生鱉甲六錢 阿膠(沖)三錢 炙甘草三錢 生牡蠣
四錢 頭煎三盃，今日服；二煎一盃，明早服。

廿三日 右脈仍數，余邪陷入肺中，咳甚痰稠，議甘潤兼宣涼
肺氣。

麥冬(不去心)一兩 細生地五錢 象貝三錢 沙參三錢 杏仁泥
三錢 冬桑葉三錢 玉竹三錢 苦桔梗三錢 甘草三錢 丹皮二錢 茶
菊花三錢 梨皮三錢 一帖藥分二次煎，每煎兩茶盃，共分四次服。

廿四日 舌黑苔退，脈仍數，仍咳，腹中微脹。

細生地五錢 麥冬(不去心)五錢 藿香梗二錢 茯苓塊三錢 沙參
三錢 廣郁金一錢五分 杏仁粉三錢 丹皮三錢 生扁豆三錢 苦桔梗
三錢 象貝二錢 煮三盃，渣再煮一盃，分四次服。

廿五日 昨晚得黑宿糞若許，潮熱退，唇舌仍絳。熱之所過，
其陰必傷，與復脈法復其陰。

大生地八錢 麥冬(不去心)一兩 火麻仁三錢 炒白芍六錢 沙參

三錢 真阿膠(沖)二錢 生鱉甲五錢 元參三錢 炙甘草三錢 生牡蠣粉五錢 丹皮三錢 水八碗，煮成三碗，分三次服，渣再煮一碗，明早服。

廿六日 又得宿糞若許，邪氣已退八九，但正陰虛耳，故不欲食，晚間干咳無痰。

大生地八錢 麥冬(不去心)六錢 火麻仁三錢 生白芍五錢 天冬二錢 牡蠣粉三錢 北沙參三錢 阿膠(沖)三錢 炙甘草三錢 煮三盃，分三次服。外用梨汁、荸薺汁、藕汁各一盃酒盃，重湯燉溫頻服。

廿七日 熱傷津液，大便燥，微有潮熱，干咳舌赤，用甘潤法。

細生地五錢 元參六錢 知母(炒黑)二錢 火麻仁三錢 麥冬(不去心)六錢 阿膠二錢 郁李仁二錢 沙參三錢 梨汁一盃(沖) 荸薺汁一盃(沖) 煮三杯，分三次服。

廿八日 伏暑內潰，續出白痧若許，脈較前恰稍和，第二次舌苔未化，不大便。

麥冬(不去心)六錢 大生地五錢 元參三錢 沙參三錢 牛蒡子(炒研細)三錢 阿膠一錢五分 連翹(連心)二錢 生甘草一錢 麻仁三錢 銀花(炒)二錢 煮三盃，分三次服。服此，晚間大便。

九月初四日 潮熱復作，四日不大便。燥糞復聚，與增液承氣湯微和之。

元參五錢 細生地五錢 大黃(生)二錢 麥冬(不去心)五錢 炙甘草一錢 煮二盃，分二次服。服此，得黑燥糞若許，而潮熱退，脈靜，以後與養陰收功。

癸亥十二月十一日 陳 廿八歲 左脈洪大數實，右脈陽微，陰陽逆亂，伏暑似瘧，最難即愈。議領邪外出法。

生鱉甲二兩 麥冬(不去心)八錢 粉丹皮三錢 桂枝尖三錢 沙參三錢 炒知母三錢 焦白芍三錢 青蒿四錢 炙甘草一錢五分 煮三碗，分三次服。

十四日 伏暑寒熱往來已愈，不食不飢不便，胸中痞悶，九竅不和，皆屬胃病。

半夏五錢 茯苓塊五錢 桂枝一錢五分 黨參三錢 生苡仁五錢

广皮一錢五分 青皮一錢五分 广郁金二錢 煮三盃，分三次服。

十七日 久病真陽虛則膈痛，余邪化熱則口苦，正氣不復則肢倦。

生洋參三錢 桂枝三錢 广皮炭一錢五分 茯苓塊三錢 半夏三錢
炙甘草一錢五分 焦白芍三錢 生姜二片 大膠棗二枚 黃芩炭一錢
五分 煮三盃，分三次服。

乙丑八月廿二日 靳 十九歲 不兼溼之伏暑誤治，津液消亡，以致熱不肯退，唇裂舌燥，四十餘日不解，咳嗽膠痰，謔語口渴。可先服牛黃清心丸，清包絡而搜伏邪，湯藥與存陰退熱法。

細生地三錢 麥冬(不去心)五錢 生扁豆三錢 生鱉甲五錢 沙參三錢 生甘草一錢 生牡蠣五錢 炒白芍三錢 煮三盃，分三次服。

廿四日 暑之偏于熱者，誤以傷寒足經藥治之，以致津液消亡。昨用存陰法兼芳香開絡中閉伏之邪，已見大效，茲因小便赤甚而短，熱雖減而未除，議甘苦合化陰氣法。

二甲復脈湯加黃芩三錢，如有謔語，牛黃丸仍服。

廿六日 昨用甘苦合化陰氣法，服后大見涼汗，茲熱已除，脈減，舌苔盡退，但六脈重按全無，舌仍干燥。議熱之所過，其陰必傷例，用二甲復脈湯重加鱉甲、甘草。

乙丑九月十六日 興 六十四歲 夏傷于溼，冬必咳嗽。況六脈俱弦，木旺克土，脾土受克則泄瀉，胃土受克則不食而欲嘔，前曾腹脹，現在胸痞，舌白滑，此寒溼病也；而脈反數，思涼思酸，物極必反之象，豈淺鮮哉！急宜戒惱怒，小心一切為要。

姜半夏三錢 飛滑石三錢 生苡仁五錢 杏仁泥四錢 旋復花(包)二錢 广郁金二錢 茯苓皮五錢 白蘞皮一錢 白通草一錢 水五盃，煮取兩盃，渣再煮一盃，分三次服。

十八日 脈數，甚思涼，溼中生熱之故。

飛滑石六錢 苡仁六錢 白蘞仁一錢五分 茯苓皮六錢 半夏四錢 广郁金二錢 杏仁泥六錢 黃芩二錢 白通草二錢 藿香梗三錢 枳實一錢五分 水八碗，煮取八分三茶碗，渣再煮一碗，日三夜一，分四次服。

廿日 伏暑必夾火與溼，不能單顧一邊。至服藥后反覺不